

ZASTUPNIČKO PITANJE - Zastupnik – Hamed Aljović

Pitanje prema Ministarstvu prostornog uređenja, građenja i zaštite okoliša Kantona Sarajevo

Molim Ministra prostornog uređenja, građenja i zaštite okoliša da mi odgovori *po kom pravnom osnovu* je Ministarstvo stambene politike Kantona Sarajevo, *stanove* (koji su upisani u finansijske i knjigovodstvene evidencije Zavoda za izgradnju Kantona Sarajevo) dodjeljivalo na privremeno korištenje, ko je (ime i prezime) *potpisao Odluku* (zaključak, rješenje) o dodjeli navedenih stanova na privremeno korištenje i *ko je odgovoran* ako „*privremeni*“ korisnik (poslije deložacije) eventualno ostavi dugove po osnovu neplaćenih komunalnih usluga?

Obrazloženje: U nekoliko navrata kao poslanik/zastupnik u Skupštini Kantona Sarajevo, postavljao sam pitanja Zavodu za izgradnju Kantona Sarajevo. U pitanju sam tražio „*da mi se dostave imena i prezimena svih osoba koja koriste stanove koji su upisani u knjigovodstvene i finansijske knjige Zavoda, kao i pravni osnov za to, uključujući i stanove Zavoda, koji su dati na čuvanje Ministarstvu za boračka pitanja Kantona Sarajevo, Upravi za inspeksijske poslove Kantona Sarajevo, Stručnoj službi Vlade Kantona Sarajevo, Ministarstvu za stambene poslove Kantona Sarajevo i Ministarstvu za ljudska prava i izbjeglice BiH.*“

U skladu sa mišljenjem Agencije za zaštitu ličnih podataka BiH br. 03-1-37-2-347-2/16 BA od 13.04.2016. godine dobio sam odgovor na moje zastupničko/poslaničko pitanje od Zavoda za izgradnju Kantona Sarajevo (akt br. 02-023-2606-1/16 od 11.05.2016. godine). Iz odgovora je vidljivo da je jedan stan (vlasništvo Zavoda za izgradnju Kantona Sarajevo) dodjelo Ministarstvo stambenih poslova Kantona Sarajevo i zbog toga postavljam ovo poslaničko/zastupničko pitanje.

Nadam se da dodjela navedenog stana na „privremeno“ korištenje nije dio *političke korupcije* jer osoba kojoj je dodjeljen stan je bliski srodnik sa poslanicima/zastupnicima u Skupštini Kantona Sarajevo u mandantnom periodu 2010-214. godina, već da je stan dodjeljen na privremeno korištenje u skladu sa pozitivnim zakonskim propisima i *uvažavajući realne potrebe* građana (građanina) Kantona Sarajevo.

Obraćam se za odgovor Ministarstvu prostornog uređenja, građenja i zaštite okoliša iz razloga što je Zakonom o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo, dotadašnja nadležnost Ministarstva stambene politike, prenesena na Ministarstvo prostornog uređenja, građenja i zaštite okoliša.

30. 05. 2016. godine

Z a s t u p n i k

Hamed Aljović

